



O soi devant di chescj mûrs frêts e cuvierts di jerbe, che in altri timp a forin cjasis cun i fogolârs cjalts e fumants.

Mi figuri, mi impensi cemût che e jere la vite in chescj tims cuant che i frutats di dutis lis fameis a zuiavin contents tal viert da pîts de mont e lis feminis a lavin cul zei a cirî lis jerbis, parcè che a mangjin lis vacjis e lis pioris tal Invier, lis gjalinis che a sgjarpedin tal prât, la fontanute che e riceveve la aghe frescje dal piçul riûl, i lidrics e lis bledis tal ort. Cuant che i oms a lavin a vore fûr païs par masse timp e come che al diseve gno nono “si lave a vore in Gjermanie”.

Mi imagjini chel païs cence soreli cu la ombrene che e scomence de Sierade e e finîs a Fevrâr cul Invier masse frêt e la nêf che si disfe cuant che e rive la Vierte e dut al è in flôr. In chest piçul borc dongje Salet al è nassût gno nono bis Costantino, il gno nono Gio Bata e ancje gno pari.

Si clamave Cju di Umil o Chiout Degli Uomini come il cognon di dutis lis fameis che a son stadis culì. Parcè che cuant che i zovins si son maridâts, lis feminis a lavin a stâ ae cjase de famee dal om.

Vuê dome a son lis cjasis sdrumadis cence int, ducj a son lâts vie, prin pe emigrazion dopo pes dôs vueris, daspò pal taramot dal 1976. Almancul a restin lis ruvinis: mûrs frêts, ma plens di storie cjalde che mi vuelin fevelâ.

Cristina degli Uomini

#1062